

卷十二

書名 群書考索後集六十五卷 正德十三年建陽劉氏慎獨書齋刊本
 撰者 宋 章如愚 撰
 卷 卷十二
 內容分類 子-類書 彙考-宋
 索書號 子部-類書-17
 編號 C5930500

群書考索卷之一

山堂先生章俊卿編輯
 建陽知縣區玉刊行

後集

。官制門

數類

唐官十 通典云唐官數開尚書云建官准百卿云虞官六十
 唐官未聞堯舜同道或皆六十并屬官而言則皆有百

虞官十 明堂位曰有虞氏五十鄭云六十

夏官二十 明堂位曰夏官尚書云夏商官倍則當二百矣而鄭云百二十

商官百四十 明堂位曰商官二百而鄭云二百四十合依鄭說

周官萬三千六百七十五人 內二千六百四十三人外諸侯國官六萬一千。三十二人

秦官二 等以賞功勞

漢官 吏至丞相凡十三萬二百八十五人 哀帝時官數兼諸侯州郡胥吏

後漢 文武官七千五百六十七人 內一千。五十五人外都計內

彩色音頁1

東洋文化研究所漢籍目錄 編號 C5930500
 東洋文化研究所漢籍目錄所藏漢籍善本文影像資料庫 索書號: 子部 類書 17
 漢籍善本文影像資料庫文本 群書考索後集六十五卷 正德十三年建陽劉氏慎獨書齋刊本
 版權所有: 東京大學 東洋文化研究所
 使用上の注意事項

諸則置否則闕仁宗神宗欽宗升儲皆置二人並他官兼四朝乾道置二人惟除左不除右會宗

侍講侍讀

唐太宗為晉王府有侍講及為太子亦置焉其後或置或不開元初十王宅引辭學士書者入教亦為侍讀職而無侍講聖朝始置焉

左右春坊

東宮之務歷代以中庶子領之。北齊有門下坊庶子領之與書坊庶子領之。隋門下坊置左庶子典書坊置右庶子。唐龍朔中改門下坊曰左春坊左庶子中允司議即左諭德左贊善大夫崇文館學士校書郎洗馬文學校書正字等隸焉與書坊曰右春坊右庶子中舍人大子舍人右諭德右贊善大夫太子通事舍人家令率更令等隸焉。宋建儲闈即置仁宗神宗升儲並以內臣為左右春坊勾當左右春坊事。中興不置為不立東孝宗乾道元年立皇太子置左右春坊二員同左右春坊二員

群書考索後集卷十二

群書考索卷十二

集

山堂先生章俊知編輯

建陽知縣區玉刊行

元峯蕭泗校正

官制門

東宮官

三師三少

三師三少三王教世子立太傅少傅以養之太傅在前入則有保出則

有師世王周成王幼在襁褓太公為太師大西漢有太子太傅

少傅。屬官有太子門大夫庶子洗馬舍人。後漢太傅禮如初不領

官屬少傅悉主太子宫屬。魏太傅於太子不稱臣少傅稱臣。晉咸

寧中備六傅之職三少。東晉置保傅而無二師景帝諱師。唐三師

三少官不必備惟其人無其人則闕之分。宋朝師傅不常設仁宗升

儲置三少各一人丁謂兼少師馮拯兼少傅曹利用兼少保是時實為

東宮官餘多以前宰執為致仕官若太子太師太傅太保以待宰相官未至僕射者及樞密使致仕亦隨本官高下除授太子少師少傅少保以待前執政其少師非經顛命不除若本官至尚書郎除少師少傅少保諫只除少保若因遷轉即進一官至太師即遷司空矣舊典。繼照堂。在開封府東真宗尹京日射堂大中祥符二年臨幸賜名會。資善堂。在元符觀南大中祥符八年置仁宗律學之所天禧四年徙御厨以北會。慶寧堂。英宗潛邸有閣藏御覽經籍會。睿成宮。元祐元年閏二月二十二日詔神宗皇帝所居東宮改為睿成宮會。龍德宮。元符三年二月二十四日詔懿親宅潛邸賜名龍德宮是為徽宗舊邸會。

王府官

宋朝太平興國四年置翊善一人給以常參官充會。

成元年宰相李石奏太子有侍讀諸王亦有侍讀無降殺之禮會。政奉諸王講讀。宋朝英宗治平元年諸王府置侍讀二人太平興國。謂之侍講侍讀而在諸王府者亦有侍讀官號比擬稱謂相寮詔諸王府侍讀改為贊讀侍講改為直講。

直講

宋朝太平興國四年別置侍講以常參官充政和七年詔改侍讀為直

講詳見

記室

宋自明帝以後皇子皇弟雖非都督亦置記室參軍。梁陳王府皆有。隋皇伯叔昆弟皇子是為親王府置記室參軍。唐因之大典。後唐長興四年以前襄州觀察支使魚崇遠為秦王府記室參軍事。宋朝太平興國中置政和中以參軍行軍之際所稱詔除去參軍字。

大小教授

宋太宗至道元年以員外郎孫贛充皇姪皇孫教授從新號也時中書改為奉朝請王講讀今皇姪皇孫是環備之職以教授為名從之禮請。真

宗咸平元年以朱昂兼南宅教授張蔚兼北宅教授嘉祐以來置諸宮

教授立講書課試規罰之法此事見紹興五年錢中興會要。英宗治平元年教

授更不兼官以兩處供職有所廢闕會時宗室本支之盛自率府副率

以上八百餘人而教授之官六員而已因詔增置教授官凡皇族年三

十以上者百三十人置講書四員年十五以上者三百九人增置教授

五員年十四以下者別置小學教授十二員并舊六員為二十七員以

分教之大學京朝官充小學選人充四年詔今後諸宮院大小學教授

有闕令國子監與學士院舍人院輪舉熙寧元年小學教授亦論京朝

官元祐三年詔諸宮學教授闕選所舉學官及可為師表可備講讀利

不足則三省選陞朝官有出身年四十五以上者充崇寧三年睦親宅及

地宅廣親宅各大學小學教授一員廣親北睦親西及周王宮大學兼

領小學各二員大小學兼領始于此

六院

登聞鼓院

宋文帝元嘉九年魏主詔闕左懸登聞鼓以達冤人唐大曆十四

年詔天下冤滯於朝堂受詞推決尚未盡者聽搥登聞鼓上。宋朝雍

熙元年改廳為檢。東延恩曰崇仁南招諫曰思諫西中寃曰申明北

通玄曰招賢。七月改廳院為登聞仍依舊諫官一員判院會。景德

四年改為登聞檢院命樞密直學士張詠判仍差內品監門不得監預

公事諫議大夫掌受文武官及士民章奏表疏凡言朝政得失公私

利害軍期機密陳乞恩賞理雪寃濫及奇方異術皆受以通達凡進狀

者先鼓院若為所抑則詣檢院。外有理檢使今不置始於淳化三年

置理檢院於乾元門之西北廊以知制誥錢若水領之復唐制也至道

三年廢天聖七年上因讀唐史見廳函達下民寃枉之事乃謂左右曰

天下九州之大豈無寃枉之人若至京師檢院鼓院理雪院必是州縣

官吏提點刑獄轉運使不能理雪又若不為申理則赤子無告矣乃置

匱函仍專命御史中丞為理檢使以分紀會要備。中興之初因舊制置局于闕門之前。舊在宣德門外依隸門下省。建炎三年專隸諫院中興會要

登聞鼓院

國初曰鼓司以內臣掌之鼓在宣德門南街西廊至道三年命太子中舍王濟勾當鼓司用朝臣勾當自此始。鼓司舊止內品許懷遠與致直程峻二員勾當至是皆峻而命濟始用朝臣也會要。景德四年詔改為登聞鼓院命知制誥周起直史館同判。仍差內品監門不得關領公事會要。掌諸上封受而進之以達萬人之情會要。隸司諫正言續會要。文武臣僚閣門無例通達文字者並先經登聞鼓院進狀未經鼓院者檢院不得收接續會要。建炎元年因舊制置局于闕門之前。高宗即位於南京召李綱為宰相綱奏曰人主莫大於兼聽張視使下情得以上通故聲明四目達四聰而天下治今艱難之際四方休戚利害日欲上聞而士民之願効其智慮者尤多陛下即大位已踰月而檢鼓院猶未

志。三年專隸諫院

進奏院

唐藩鎮皆置邸京師以大將主之謂之上都留後。大曆十二年改為上都知進奏院官。五代以來支郡不隸藩鎮補人為考聽自置邸隸藩鎮者兼掌焉。宋初緣舊制皆本州鎮補人為進奏官其軍監場務轉運司則差知後官或副知掌之。遂州就京師各置進奏院。太平興國八年諸州罷知後之名簡知後官得李楚等百五十人並充進奏官命供奉官張文瓘提轄諸道進奏院周編題。監官以京朝官及三班使臣充掌受詔勅及諸司符牒辨其州府軍監以頒下之並受天下章奏案牘狀牒以奏御及分受諸司續會要。中興以來隸門下後省給事中點檢乾道九年依舊隸後省合傳報事今後省錄付報行中興會要。又題名云宋興盡罷節度使權太平興國中因何保樞請以鈐轄諸道扁院額而摹印章率用名流

糧料院

宋初承舊制以三司大將軍為都糧料使自開寶六年以著作佐郎陸光範充在京都糧料院使改用京官自此始太平興國五年分糧料諸司馬軍步軍為三院八年以馬步軍合為一院雍熙四年命供奉官陳慶誨勾當諸司糧料供奉官曹祿勾當馬步軍糧料自後復分馬步軍為兩院或以諸司使副分主之端拱二年復以京朝官主之並宋朝元豐未併馬軍步軍為諸軍與諸司為二院中興以來行在有須稟祿凡文武百官諸司諸軍俸料以券準給四朝諸軍諸司糧料院鎮江建康有分差諸軍糧料院鄂州有分差戶部糧料院四川總所有分差戶部魚關糧料院分差利州戶部糧料院並中宗會

會計院

宋初以三司使總邦計司各有院以乘中外泉穀出入之政蓋會計之

始也宋初其冗籍復別為院置官顯領之以聽補食之要二置院之初特掌騎兵徒兵給受之數猶未及諸司也元豐三年合步騎兩院為一遂少其一主諸司自宮禁朝廷下至斗食佐史凡賦祿者以式法審其名數而稽其辭名者唯郊賜給已乃審祿有疑予則詔以法凡四方之計籍上于大農則逆其會凡有司議調度會賦出則取焉設員二曰左右聽分案六史八人題舊為諸軍諸司專勾司建炎元年避高宗御諱改諸軍諸司審計司

官誥院

宋初於右掖門置院四司誥身案並集于此以備中書除改本司郎官各主其事淳化五年始專置官司於省內凡官誥各以本司誥身印印之文臣用吏部武臣用兵部王公命婦用司封加勳用司勳掌文武官將校誥身及封贈以朝官一人主判知制誥一人提舉贈元豐五年奉行官制文武官誥身屬吏部審官屬兵部封贈及內外命婦等誥身屬司封加勳并將校等屬司勳官誥院四部誥身案及吏人隨事隸本部

七年并司封司勳誥身案入吏部預書庫收掌崇寧四年吏部專置造
官誥局尋罷大觀復置尋改為官誥院仍隸左右司三年復罷歸吏部
政和三年依舊置官誥院差官一員主管少府監鑄印記以吏部製造
誥身業記為文中興以來因仍不改

四轄

權貨務都茶場

權貨務掌折博斛斗金帛之屬四朝以朝官諸司使副內侍二人監太
平興國中以先平嶺南及交趾諸國入貢通關市議於京師置權易院
大中祥符中併入權貨務建炎中興又創都茶場給賣茶引隨行在
所於權貨務置場雖分兩司而提轄監官並通衙管幹。建炎四年詔
權貨務都茶場依舊隸左右司其提領措置並罷其都茶場仍令提轄
權貨務官兼行提轄。尋徙越州一務場於建康又併真州一務場歸
建康紹興五年詔建康鎮江兩務場只是給賣銀引三十二年詔三省
今後選差文臣充監官更不差武臣乾道六年詔依舊通差武臣會典

會典先是課入不立額惟視舊歲為等差是歲始昉分有定數歲總為
錢二百四十萬萬行都受藏之所為數八十萬萬于建康者一百二十
萬萬于鎮江者四十萬萬會典

雜買務雜賣場

雜買務舊曰市買司太平興國四年改至道中廢咸平中復置以京朝
及三班內侍三人監掌和市百物凡宮禁官物所需以時供納雜賣務
景德四年置掌受內外幣餘之物計直以待出賃或準折支用以內侍
及三班二人監後亦差文武朝官以四朝志紹興六年詔雜買務雜賣
場置提轄官一員會典

左藏庫

掌受四方財賦之入以待邦國之經費其原蓋起於周職內主賦入職
歲主賦出而邦布之入出則外府又主之皆其職也。晉始置左右藏
令。唐於左右藏分東西庫以太府少卿知出納於左長慶門之東。
宋初左藏止一庫置使領焉題太平興國二年分為二庫淳化三年分

置左右藏各二庫四年廢右併入左政和六年備建新庫以東西庫為
以會要纂錄名會要纂錄中興因仍東西庫各以文臣監武臣同監其東幣帛總紳
之屬在焉其西金銀泉券絲纈之屬在焉紹興二十七年詔戶部於轄
下丞簿內選一員兼充左藏庫提轄官此提轄所由始孝宗即位詔將
御前橋管徵賞庫撥歸左藏庫以左藏南庫為名專一橋管應副軍期
支遣於是東西南三庫以中興會要尋罷南庫大抵國家用度多靡
於瞻兵四蜀湖廣江淮之賦類歸四總領所以餉諸屯其送京者始亡
幾嗟閩浙悉輸焉東西庫歲入以端計者率百四十萬以緡計者率二
千萬給遣稱是而大軍居十之七宮禁百司祿賜裁三之間有非泛浩
繁之費則請于朝往往以內帑封樁以補所缺監官凡五人分帑而治
舊以京朝官為之今唯才是用故四選通得八額

文思院

太平興國三年置掌造金銀犀玉土巧之物金彩繪素裝鈿之飾以供
與畫冊寶法物及凡器服之用隸少府監熙寧三年詔文思院兩界監

文臣一員武臣一員並朝廷選差其內侍均當官並罷以四朝
紹興三年詔少府監併歸其文思院上下界監官從工部辟差工部
言所轄文思院舊分上下界監官三員內文臣一員繫京朝官上界造
作金銀珠玉下界造作銅鐵竹木雜料欲依舊分為上下界從之隆興
一年詔併禮物局入文思院中興會要

三衙類

三衙

宋朝沿五代之制有侍衛親軍及殿前兩司蓋侍衛親軍起於後唐
又石林燕語云侍衛親軍自梁起宣武軍乃以鎮兵因舊號置在京
馬步軍都指揮使而自將之蓋於唐六軍諸衛之外則為私兵至後

唐明宗遂改為侍衛親軍

殿前始於周世宗顯德元年五代會要

世宗自高平之戰觀其止縮慨然有懲革之意又以驍勇之士多為
外諸侯所占於是詔募天下豪傑不以草澤而俱送於闕下躬親試

閱選武藝超絕及有身首者分署為殿前諸班因有散員散指揮使
內殿直散者頭鐵騎控鶴之號

宋初侍衛親軍置都指揮使雖都虞候亦在殿前都指揮使之上

淳化元年侍衛自殿前副都指揮使遷侍衛親軍馬步軍都虞候在

殿前都指揮使載興之上咸平三年王超自殿前都指揮使遷侍衛

親軍馬步軍都虞候續

自王超罷職無復任者而侍衛司馬軍步軍遂分為二并殿前號三衛

而馬步二軍始居殿前司之下職三司天下之兵柄皆在其權雖重

而軍政號令則在樞密院與僕周間史弘肇之徒為之者異矣此祖宗

之微意非前世所及也石林燕語

殿前司

都指揮使副都指揮使都虞候掌殿前諸班直及步騎諸指揮之名籍

凡統制訓練番衛戍守遷補賞罰皆總其政令入則侍衛殿陛出則扈

從乘其大禮則提點編排整肅禁衛區薄儀仗掌宿衛之事都指揮使

以節度使為之而副都指揮使都虞候以刺史以上充資序淺則主

本司公事馬步軍亦如之備則通洽關則互攝四朝祖宗以奉天帥不

曾闕兩人若殿帥闕難以從下起補

姚麟繫殿前都虞候合陞作步軍副都指揮使元祐七年樞密王巖

叟言政和四年詔殿前都指揮使在節度之上殿前副都指揮使在

正任承宣使之上殿前都虞候在正任防禦使之上四朝

宋初沿後周有殿前都點檢在都指揮使上

太祖由此承禪後不置焉中興以來主管殿前司一員其屬有幹辦

公事主管禁衛各二員準備差遣準備差使點檢醫藥飲食各一員

尋減幹辦公事一員增書寫機宜文字一員

馬軍司

都指揮使副都指揮使都虞候都指揮使本方鎮庫校之名自梁起宣

武軍乃以其鎮兵因仍舊號置在京馬步軍都指揮使掌馬軍諸指揮

之名籍凡統制訓練番衛戍守缺補賞罰皆總其政令侍衛扈從及大

之各籍凡統制訓練番衛戍守缺補賞罰皆總其政令侍衛扈從及大

禮賓衛所掌如殿前司政和四年詔以馬軍都指揮使馬軍副都指揮使在正任觀察使之上馬軍虞候在正任防禦使之上四朝中興以後主管侍衛馬軍司一員幹辦公事準備差遣點檢醫藥飯食常出戍建

康

步軍司

都指揮使副指揮使都虞候掌步軍諸指揮之名籍凡統制訓練番衛戍守遷補賞罰皆聽其政令侍衛扈從及大禮宿衛如殿前司政和四年詔以步軍都指揮使副都指揮使在正任觀察使之上都虞候在正任防禦使之上四朝中興以來主管侍衛步軍司一員幹辦公事準備差遣點檢醫藥飯食

閣職類

知閣門事

宋制橫班有內客省使

崇政殿受朝而升東階侍立掌四方進奉及四夷朝貢敬伯朝朝

鑾儀錄宰相近臣禁衛將校節儀諸州進奉使則物回詔之事

引進使四方館使

唐四方館以通事舍人判隸中書省石晉始有為卿監專判館者。宋

朝初以檢校官判館淳熙四年改置使名掌文武官正謝辭國忌賜香

諸道月旦正至章表郊祀朝番官貢舉人進奉使京官致仕官道釋父

老陪位之事會

東上閣門使西上閣門使

凡取稟旨命供奉乘輿朝會游宴及贊導三公群臣蕃國朝見辭謝糾

彈失儀之事使副專之舍人以下但通班贊唱而已會。其供職于內

者多用國戚世族號為華要禮均侍從政和官制橫班使副之名既改

為大夫而其職任則命內外官知馬職其後所除總名知各門事仍兼

客省四方館之職馬紹興三年詔客省四方館並隸臺察。先是御史

臺六察所隸官司有因一時申明免隸臺察去處至是殿中侍御史常

同乞依舊制施行所貴百司廢務有所按察不敢違矣故也中興。四

年詔依祖宗舊制隸中書省不隸臺察中興會要。五年詔右武大夫以上並稱知閣門事兼客省四方館事若官未至右武大夫者即稱同知同兼序在知閣門之下上

同知閣門事

宋朝東西上閣門副使雖無定員然選任不及疎遠而所置常少於正使之數政和官制以左武右武即易二閣副使而閣門事乃命橫行知焉則同知之職乃昔時之所謂副使也職畧

閣門宣贊舍人

故事閣門無通事舍人而通事舍人沿夫唐制自隸中書省如抽赴閣門並稱閣門祇候其後直授閣門通事舍人非舊制也天禧中閣門二字政和六年改為宣贊舍人

閣門祇候

政和六年御筆閣門通事舍人名稱鄙俗可改為宣贊舍人詔旨國朝舊以閣門通事舍人閣門祇候二等謂之閣職蓋武臣之清選也

閣門通事舍人閣門祇候二等比館職清流為進取之基非熟於朝儀不在此選又有看班祇候以命世家新進及擢閣門點檢使臣為之而點檢官乃知班使之長者二年無過遂改看班政和間改通事作宣贊且不復選人而濫處不知其數人不以為貴也舊制舊典舊止三五員

天禧初上與輔臣語及減吏員向敏中曰太祖太宗朝閣門祇候不過三五員宣贊贊謁而已今踰數百而除授未已上曰此蓋相承為例當漸省之

熙寧四年閣門請擇武臣子弟六人前後數日祇應以閣門看班祇候為名候五年孰識儀數乃除閣門祇候

閣門舍人

乾道中孝宗初置慶元告詞云我朝重閣門之職乾道置舍人之員

帶御器械類

帶御器械

宋初以來嘗選三班以上武幹親信者佩橐鑰御劍或以內臣為之要會初是職止名御帶咸平元年改為帶御器械景祐二年詔自今無得過六人慶曆元年詔遇闕員以歷邊任有功者補之舊制外任帶御器械過闕朝見不宿衛熙寧六年向寶移真定府路總管過京師待命宿直並會中興因仍

四廂類

四廂 奉日天武四廂都指揮使 龍神衛四廂都指揮使

捧日舊曰日騎天武舊曰控鶴宋朝太平興國二年詔改控鶴曰天武雍熙四年改殿前司日騎曰集日龍衛舊曰龍捷神衛舊曰虎捷太平興國二年詔改龍捷曰龍衛虎捷曰神衛皆以美名易禁軍之舊號也。上四軍殿前司捧日天武馬軍司龍衛步虎司神衛謂之上四軍各有左右廂廂各三軍東

環衛官類

環衛官 家朝六軍諸衛有左 右金吾衛上將軍

漢武改曰執金吾。隋曰候衛所領軍事名仗飛。唐龍 朔改左右金吾衛正三品掌官中及禁城晝夜巡警之法以執禦非違 漢官宰尹曰吾禦也常執金華以禦非常緹騎二百人輿馬道從充滿 於路世祖歎曰仕官當作執金吾也

左右衛上將軍

晉武帝分中衛將軍為左右衛各大將軍一人銀章青綬。隋改置左 右衛為左右翊衛。唐武德中更曰左右衛府龍朔中省府字

左右驍衛將軍

漢武以李廣為驍騎將軍後省之光武改屯騎為驍騎。晉文立晉臺 以為宿衛官至隋煬帝時改左右備身為左右騎衛所領名豹騎。唐 置驍騎府龍朔去府字光宅改左右武威神龍復舊

武舊衛上將軍

魏武為丞相有武衛營。隋探其名置左右武衛府有大將軍。唐光 宅改左右鷹揚衛龍朔復舊

屯衛上將軍

隋煬帝置左右屯衛。唐龍朔改為威衛光宅改為左右豹韜衛

領軍衛上將軍

魏武為丞相始置中領軍魏文又置領軍。晉因之品第三金章紫綬

宋齊領軍掌內禁兵。唐別置領軍衛大將軍龍朔威衛咸亨復舊

監門衛上將軍

漢魏以來城門校尉之職也。隋置左右監門府將軍煬帝改府字為

衛。唐置大將軍龍朔改為監衛

千牛衛上將軍

後魏有千牛衛備身本掌乘輿御刀蓋取庖丁為惠文君解數十牛而

刃若發矧此刀可以備身因以名官。隋左右府領千牛備身。唐改

為左右千牛府龍朔改為奉宸衛神龍改為千牛衛。諸衛大將軍諸

衛將士並為環衛官無定員皆命宗室為之乃武臣之贈典大將軍以

下又武臣責降散官改和中改武臣官制而環衛如故也雖有四十

八階別無所領故也四朝靖康元年用御史中丞陳過庭言請導藝祖

開寶初罷諸節度使歸環衛故事於是節度使錢景臻等並為左右金

吾衛上將軍四朝又崇寧四年仿古脩立三衛官有郎一員中郎為之

二文武各一員博士二主簿一親衛府有郎有中郎以后妃嬪御之家

有服親及翰林學士并管庫正任觀察使以上子孫充勳衛府有郎有

中郎以勳臣之世賢德之後有服親太中大夫以上及正任團練使送

鄂觀察使以上子孫充翊衛府有郎有中郎以鄉監正任刺史送郡團

練使以上並以親兄弟子孫試充三衛即治其府之事率屬日直于殿

陛長在左立起居郎之前二分左右文東武西立都承旨之後親衛立

於殿上勳衛立於梁殿翊衛立於兩階衛士之前中興久不除授孝宗

隆興詔學士院討論環衛官制度欲參酌祖宗時及唐太宗制度

詔曰朕惟祖宗選用將帥以崇武節外建方鎮內列環尹品式備具

近來環衛久不除授非所以儲財而均任也可依舊制應以才畧聞

堪任將帥及久勤軍事暫歸休佚之人並為環衛官更不換授並令

兼領

如節度使則領左右金吾衛上將軍承宣使則領左右衛上將軍在內則兼帶在外則不帶以十員為額朝參侍殿並依御帶體例宗室不在此制仍不差戚里及非戰功人除改差主兵官合不領環衛如皇城司帶御器械之類仍許兼領

群書考索卷十二

後集

群書考索卷十三

後集

山堂先生章俊卿編輯
建陽知縣區玉刊行

。官制門

監司類

唐虞建官內有百揆四嶽外有州牧侯伯王者之時五國以為屬焉有長十國以為連連有帥三十國以為卒卒有正二百一十國以為州州有伯。秦罷封建而郡縣置御史以監諸郡。漢興省之。惠帝遣御史監三輔郡察事凡九條其後諸州復置監察御史文帝以御史不奉法乃遣丞相史出刺并督察武帝元封五年初置部刺史掌奉詔條察州以六條問事秩六百石。十二州員十二人。居部九歲舉為守相成帝以為刺史位下大夫而臨二千石輕重不相準乃更為州牧秩貢二千石位次九卿哀帝復為刺史元壽復牧。王尊為臨州刺史馳九折